


奉天錄四卷

永樂大典本



國家圖書館: NATIONAL CENTRAL LIBRARY, TAIWAN, R.O.C.

在云典唐字韻



國家圖書館藏 - NATIONAL CENTRAL LIBRARY, TAIWAN, R.O.C.

奉天錄四卷唐趙元一撰自建中四年十月元

興元年七月紀德宗以奉天再安果州以

復京師遷長安事甚志乾隆間於千里為秦

教夫作序云曰之說變考此曰人徐曼伯家蓋

永樂大典中摘錄本也此石州鈔本識云在真

廣字韻石州為楊善林刻禁書未竟而卒

以蓋未經校勘本也



嘉慶記 丁巳三月

NATIONAL CENTRAL LIBRARY, TAIWAN, R.O.C.


奉天錄序



唐趙元一撰




緬尋太古之初真源一味自然樸略不同浮華雖垂
不載至軒轅征蚩尤而廓清四海帝舜黜有苗而綏
定萬邦逮乎三王則弔人伐罪暴秦則兼并天下漢
高夷兇靜難光武討叛懲奸魏武破袁紹晉武滅苻
堅宇文氏破高歡普六茹平陳國太宗擒王竇肅宗
定安史故曰亂者理之源失者得之府法令施而逆
子誅春秋書而賊臣懼建中四祀朱泚作亂居我鳳
巢忠臣義士身死王事可得而言者咸悉載之使後
來英傑貴風義而企慕承危伺隙與時浮沈者其徒



非一正史備書故闕而不錄志懷問鼎者不敢漏網
元缺失簡書直筆直言無矯無妄欲使朱藍各色清濁
分流質而不文焉敢潤色恐史筆遺漏故備闕也李
忠臣三朝名將忽為叛主之臣洪經綸累代通儒乃
作趨時之士其餘源休蔣鎮之輩敬忠日月之徒蓋
屑屑者何足道哉每思南史之筆班馬之作莫不廢
食仰歎且洪流壞堤猶可塞也烈火燎原尚可撲也
逆臣賊子難可邇也睹此妖孽搖動中原莫不痛心
疾首是用書之簡素使好我者慕惡我者懼元一代
居關右世業三秦親睹櫬槍媼妍必記雖形闕奉親
而內懷其孝身乖事主而心荷聖恩每覽嵇紹紀信

之高義感千載而仰慕尋淖齒王敦之遺跡思奮劔
而誓心疾惡之志不忘寤寐起自建中四祀孟冬月
上旬三日涇原叛命終興元元年孟秋月中旬有八
日皇帝再復神都於中可否總紀其事也夫史官之
筆才識學也苟無三端難以措其手足元一不敏敢
竊鳳皇之一毛以効麒麟之千里獨學而無知孤陋
而寡聞跡不踐於邱門文有慙於先哲輕塵罕增於
巨岳墜露無益於廣川輒申螢燭之光將助太陽之
照述而不作有愧老彭冀革前非用警來祀云爾



國家圖書館, NATIONAL CENTRAL LIBRARY, TAIWAN, R.O.C.


Vertical text within a rectangular border, likely bleed-through from the reverse side of the page. The text is extremely faint and illegible.

Small, faint characters or a mark located at the bottom right corner of the page.

奉天錄卷一

唐趙元一撰

建中四祀先是襄陽節度使檢校右僕射梁崇義自阻兵不朝二十年矣上在春宮情深憤惋及登寶位有誅四兇之志焉詔劔南節度檢校工部尚書張延賞東川節度御史大夫王邕梁洋節度御史大夫賈耽江陵節度檢校工部尚書張伯儀淮揚節度司徒陳少遊淮寧節度同平章事漢南漢北招討使李希烈充都統諸軍平襄大總管王命頒行分路齊進馱奮龍驤謀臣盈幕武旅雲萃旗鼓纒施兇徒瓦解乘勝逐北如巨海之沃熒光漢水浮屍似秋風之吹落



葉崇義之首懸於朝矣世祖昆陽謝安淝水各一時也詩云無拳無勇職爲亂階斯之謂矣都統李希烈自謂有尅敵之功名居然有都襄之志有詔勒歸本鎮元鞏然生不諛之心乃劫其郡席卷而歸淮寧凡掠良家子姓悉爲賤隸六畜資財掃地而盡昔太武瓜步迴師六州無雞犬之響遊子望舍不識舊廬元兇之拔襄陽甚於斯酷遂縱師陷我汝州河南尹鄭叔則表奏之上命工部尚書兼右僕射哥舒曜總禁兵五萬而討之師謀士銳所向莫敢有爭衡者長驅築壘於襄城縣焉時國家多故河北幽冀蝟毛蜂起三輔兩畿徵兵日

繼皇赫斯怒爰整其旅詔河陽節度御史大夫李芑太原節度檢校工部尚書馬燧澤潞節度檢校工部尚書李抱真朔方節度太子少師李懷光神策制將御史大夫異姓王李公晟華原鎮遏使御史大夫趙令珍分路長驅深入賊境雖王師頻勝而寇亦未衰勝負相參殺傷萬計時軍用旣多不遑遠略戶部侍郎趙贊上封事請稅三輔兩畿居宇閭架及取兩市富商大賈於西明慈恩二寺置院檢納貪吏深文怨及社稷太史奏曰密門出天子有詔去城七里內諸密盡廢之及泚稱兵乃是涇原節度姚令言爲謀主也

時哥舒曜孤軍無援糧儲不繼賊得其便重圍數周
甲士日唯半菽馬淘牆皮而菊焉潛表請濟師詔神
策制將行營兵馬使御史大夫劉德信御史大夫高
秉哲各馬步共一十萬來救襄城勅大梁節度司徒
李公勉發師犄角而攻之當有軍書往來同會於汝州
之薛店軍令不嚴為伏兵所敗三將之師望旗大潰
戎器委數百里鐵馬一萬蹄沒焉洛陽士庶惶駭北
走河陽西奔峭甬東都尹鄭叔則入保西苑唐漢臣
奔於大梁高秉哲劉德信收離集散駐軍於汝州
詔涇原節度姚令言赴援總師五千東至瀝水時京
兆尹王翊屬吏置頓牛酒儉薄將士色厲遂傳箭而

迴十月三日巳時也

令言尚在紫宸殿授以樞密并賜資金帛時御史臺
左巡奏云涇原士馬違命迴戈令言星馳至長樂坂
逢之有引弓射令言者遂擁令言而迴上又使使勞
問賊已列方陣於通化門門衛欲拒使者強之而未
及宣言言加不順上又詔普王及諸王侍書等宣慰
勞之許以重賞又載金銀帛繡等二十餘車普王纔
出禁城門賊已至於丹鳳門詔召六軍久無至者
時關東河北頻戰不利屢發禁兵相次東征警衛遂
虛上乃出自苑北門六軍羽衛纔數十騎或曰朱泚
是失意之臣恐懷僥倖不如遣十騎捕之使陪鑿輅

若脫於泉爲害茲甚不然以卒誅之養獸招禍立可
俟矣上與儲宮經略不違而賊已犯禁門遂以普王
爲先驅皇太子爲殿韋淑妃唐安公主親王貴妃等
一百餘人策騎而去乘輿次於咸陽咸陽令李衡俯
集疑其妻親奉御膳上命貴妃以下接以恩禮傳食
而過神策軍使御史大夫白志貞等十數人扈從門
下侍郎平章事盧杞中書侍郎平章事關播御史中
丞劉從一戶部侍郎趙贊右領軍使御史大夫令狐
建京兆尹王翊駕部郎中郭雄翰林學士陸贄吳通
微等悉於咸陽而及焉
郭曙與家僕數十人於苑中獵射聞蹕伏謁道在上

官勞之志願胡從上從之

駙馬郭曖先與公主失意上收公主在內隔絕經年
及此曖馳往覓得公主策騎俱赴行在三日夜四更
至駱驛奔及乘輿

四日平明至於奉天丞尉惶懼拜舞於縣門其日上
幸縣令宅宰臣近侍各居廨署時右金吾將軍御史
大夫渾公瑊討賊之迴戈也渾公與家僕數十騎自
夾城入北門收集後殿與敢死之士欲擊賊乘輿旣
出遂奔行在上以渾公爲工部尚書行在兵馬使渾
公有膽略泚素憚之旣而乘輿乃安時奉天備禦防
守皆渾公之謀也君子曰高祖困於彭城而用陳平

之策漢祚興焉晉武得謝安石晉室無替古之君子亦有是夫

渾公雖武勇絕倫而謙讓無匹乃以令狐建為行在中軍鼓角使嗣滕王湛然為金吾大將軍嗣郇王寓為右衛大將軍前神策軍京西都虞候侯仲莊為金吾衛將軍兼御史中丞奉天防城使兼右廂兵馬使仲莊有剛勇善謀略保衛之功次城之勲也

初建中之始術士桑道茂奏云國家不出三年暫有難宮之象臣望奉天有天子氣宜制度為壘以備非常上以道茂言事數驗遂令京兆尹嚴郢充築城使具畚鍤抽六軍之士督策之時上初即位刑清俗泰

盛夏而土功大興遠近不知其旨及此都焉

上初幸鳳翔依都府而謀剋復或曰張鎰雖陛下信臣舊職日淺所管勁卒皆朱泚部曲本漁陽突騎兇衆城中既立朱泚本軍必生大變以臣度之非萬全之計也敢以死請上亦悟道茂之言遂改幸奉天至其月六日李楚琳殺張鎰而歸朱泚

初令言陣於五門禁兵不出百姓觀者巨億遂整旗吹角入含元殿前先鋒自龍尾道上於中間周呼曰天子已出今日共取富貴兇徒大呼有頃入宜春院及諸宮時倉忙之際本朝禁衛騎士及坊市百姓擔負財帛填街塞陌連日竟夜既而羣盜與令言謀議

慮難持久或曰太尉朱泚久囚必生異志若迎而為主事可捷矣遂於招國里以禮迎之泚喜姦伺隙久懷非望羣盜既至偽讓不從而命爲使者設食久之以觀衆心於是火燭星羅觀者萬計

泚入居含元殿四日平晨出榜榜曰太尉權臨六軍國家有事東郊徵涇原師旅銜命赴難將士久處邊陲不閑朝禮軍驚御駕乘輿已出應定見神策六軍金吾威遠英武并百司食糧者三日內並赴行在不去者即於本司著到如三日後移牒勘彼此無名當按軍令義無容貸

泚移居白華殿朝臣見者悉勸迎駕泚顧望錯愕知

未得衆心源休入移時籌之言多不順勸以僭偽泚甚悅之猶尚未決

上初巡幸京城朝官莫知上所在分路探候然後乃知源休旣陳矯計切勒十城門不許出入時六日夜也

上初入奉天有上封事言叛兵共立朱泚兇徒必來攻城請爲備禦門下侍郎盧杞切齒言曰太尉忠貞朝野共知奈何有此傷大臣之心安可令泚聞之請以百口保泚不反後二日泚變梟獍至於城下

上料近藩兵馬可以赴難者頒下手詔諭之皆如期至帝尚以忠臣待泚又知公卿勸迎且令諸道軍士

三十里下營時京兆府功曹姜公輔赴行在拜門下
侍郎平章事俯伏而奏曰王者不嚴衛無以重威靈
今禁旅單寡翊衛未備若泚忠孝奉國固不以兵多
為慮若狼心已變則有備無患今士馬在外深為陛
下危之即日召兵入城逮泚攻城已戒嚴矣

朱泚既納源休僭偽之說又得幽隴三千人與哥舒
曜救援者行至澠池縣聞朱泚僭偽返旆投泚泚自
謂衆望所集於是以源休為京兆尹判度支李忠臣
為皇城留後

泚以段秀實為心膂發銃卒三千奉迎乘輿陰起逆
謀秀實潛謂劉海賓曰朱泚是薊門一卒去逆効順
先帝嘉之位登台輔不能見危授命而乃宴安兇醜
吾位歷司會策名九寺雪國之耻雖死猶生爾能從
乎海賓曰忠臣節義死而不亡敢不唯命是聽因擇
能行者追賊兵曰城中有變使者六日一更行及駱
驛虜劫而迴驗符乃秀實詐為賊帥姚令言帖用司
農寺之印也

賊泚用仇敬忠為同華等州節度拓東王以禦王師
用異姓王李日月為西道諸軍事先鋒經略使
上初至奉天用御史中丞高重傑為平虜使屯兵於
梁山之西隅也時與李日月頻戰官軍大捷後被伏
兵死於鋒刃朱泚出榜兩市及署兩坊門曰奉天殘

黨蟻聚京畿重傑等仍敢執迷拒我天命朕使偏師
小將果復敗亡觀此孤城不日當破雲羅市網無路
鳥飛鐵釜盤魚未過瞬息宣布遐邇各使聞知偽兵
部負外古之奇詞也

初重傑縱騎追賊獨出於三軍之首兇徒埋伏邀之
落其奸便被兇徒生擒親事數十人以伏事之情亡
軀而奪之兇渠雖衆追者氣銳志堅奮然不顧遂被
逆黨斫重傑頭而棄其身親事收其神柩入奏於奉
天帝見之撫屍而哭或諫曰裨將死撫屍而哭越禮
也帝曰大禮非卿所知也艱虞之際死於王事愍惻
豈拘常倫遂盡哀而哭之命有司造蒲頭安之頸而

埋之朱泚得高重傑頭又集僞百官大哭曰忠於彼
者亦義於此爲朕之無禮殺我忠臣又命僞有司作
蒲人身而安其首以三品葬之皇帝再冠京師詔有
司發舊二塋取其首別爲封樹贈工部尚書喪葬官
給

時李日月兇威甚銳燒蕪陵廟帝甚患之謂渾公曰
朕不能保守宗祀尅平多難致使六合沸騰宗廟失
主焚我陵闕兇威轉熾應是殷憂之時代終百六唐
堯禪舜虞舜禪禹自古有德者進無德者讓有自來
矣今天地鼎沸淮楚搖蕩幽冀蜂起萬方震懼請從
禪代以救蒼生卿等如何渾公泣涕如雨身被鐵甲

舉身自撲君臣悲淚久之渾公奏曰夫聖人不困不成王烈士不困行不彰昔高祖迫於項籍世祖窘於昆陽隋帝厄於鴈門魏武保於南郡三王五帝其猶患諸況陛下承百王之末威靈邁往古小有逆否而懷扼腕臣下之罪也願陛下以社稷爲念無以小賊爲憂臣請自出一行梟逆賊之首即冀宗社永安唐堯垂拱臣之願足矣上曰朕在蒙塵卿爲肺腑別募裨將卿不可也渾公曰北狄恃金牙之威武頻犯郊畿鄂公取之若指掌臣若不行兇威轉甚上許之渾公先以數十騎從西門出埋伏於漠谷之隅公自將數十騎從東門而出直抵朱泚營壘泚驚不覺墜

榻羣盜大潰公以騎少不足逞銳遂引而西李日月縱騎追之至城西門渾公謂家僕曰立功立事只在今日與卿此捷何不取之僕人彎弧射之李日月應弦而斃朱泚鋒刃十亡八九焉家僕者即渾公之所役人也字小金有詔令公賜姓李氏封異姓王以賞飛矢之捷用旌武功也

初李日月中矢而死朱泚備禮送於長安休祥私第母氏苛尅疑而不哭厲聲罵曰奚奴國家負汝何事敢生悖逆死猶晚矣朱泚備禮而葬之母氏始終不哭一聲皇帝行在亦知之及李晟收長安諸黨並從夷戮唯李日月母存而不問君子曰馬服君婦有知

子之鑿而免禍李日月母以子叛恩存大義而不哭
殊有古人之風

初朱泚謀變大事李忠臣源休等並皆同坐司農卿
段秀實與劉海賓伏匕首於靴中內官覺之時聖上
行幸羣臣疑貳草亂之間段公以戎服見泚共議匡
復往返三四馬泚情洩於言段色厲奪休之笏擊泚
之首羣兇駭愕濺血數步兇黨持兵而至段公被害
泚一手承血一手拍羣兇曰義士勿殺之聲手相及

熱熱堯舜下熱是熱之訛東軒筆記有熱熱顏回可證

時有風情女子李季蘭上泚詩言多悖逆故闕而不
錄皇帝再尅京師召季蘭而責之曰汝何不學嚴巨
川有詩云手持禮器空垂淚心憶明君不敢言遂令
撲殺之贈段秀實太尉謚曰忠烈賜實封五百戶莊
宅一所嗣子授三品正貲官諸子各授五品正貲官
旌其門閭喪葬官給爲立廟御製碑銘君子曰昔臧
氏勸事君之節空傳其名不睹其人千載之後見乎
段君代有之矣伯仁抗節鍾雅咄嗟有是哉詩云淑
人君子其德不回其段公之謂乎
八日泚於宣政殿僭即大位愚智莫不血怒衛者多
是軍人周行不過數十自稱大秦皇帝年號應天僞

子之鑒而免禍李日月母以子叛恩存大義而不哭
殊有古人之風

初朱泚謀變大事李忠臣源休等並皆同坐司農卿
段秀實與劉海賓伏匕首於靴中內官覺之時聖上
行幸羣臣疑貳草亂之間段公以戎服見泚共議匡
復往返三四焉泚情洩於言段色厲奪休之笏擊泚
之首羣兇駭愕濺血數步兇黨持兵而至段公被害
泚一手承血一手拍羣兇曰義士勿殺之聲手相及
段公已害泚哭之甚哀封忠義侯以三品禮葬之海
賓因兵亂而逸於通化門外被役驢者敗之並見害
故京師號朱泚為熱熱字堯舜號希烈為當年桀紂

時有風情女子李季蘭上泚詩言多悖逆故闕而不
錄皇帝再尅京師召季蘭而責之曰汝何不學嚴巨
川有詩云手持禮器空垂淚心憶明君不敢言遂令
撲殺之贈段秀實太尉謚曰忠烈賜實封五百戶莊
宅一所嗣子授三品正貲官諸子各授五品正貲官
旌其門閭喪葬官給為立廟御製碑銘君子曰昔臧
氏勸事君之節空傳其名不睹其人千載之後見乎
段君代有之矣伯仁抗節鍾雅咄嗟有是哉詩云淑
人君子其德不回其段公之謂乎
八日泚於宣政殿僭即大位愚智莫不血怒衛者多
是軍人周行不過數十自稱大秦皇帝年號應天偽

赦書云幽囚之中神器自至豈朕薄德所能經營彭
偃之詞冊文太常少卿樊系之撰文成服藥而卒故
嚴巨川詩曰煙塵忽起犯中原自古臨危貴道存手
持禮器空垂淚心憶明君不敢言落日胡笳吟上苑
通宵虜將醉西園傳烽萬里無師至累代何人受漢
恩

九日李忠臣姚令言並為侍中仍以令言為關內副
元帥以光祿卿源休為同平章事兼京兆尹判度支
工部侍郎蔣鎮同平章事蔣鍊為御史中丞太常卿
敬缸為御史大夫洪經綸為中書舍人禮儀使
是日夜三更哥舒曜拔襄城保於洛陽初公援東郊

也上謂公曰卿行師出陣與卿父何如公再拜而對
曰先臣臣不敢比也祇如斬長蛇磴封豕靜氛霧掃
攬槍然後待罪私室則臣之願也上曰伊尹去而伊
陟嗣文王歿而武王興卿父在開元無西面之憂朕
今得卿無東郊之慮及發師之日上親送於通化門
百官翼戴觀者萬計則曰茫茫楚塞遙瞻上將之星
靄靄秦郊自有登壇之客豈唯漢稱定遠晉有征南
而已哉及乎出師於通化門外無故門槍自折識者
上其不利以其父翰天寶之末師至乎北門無故門
旗自折翰遂斬門旗官而發師旅終有火拔控轡之
難公此行踵父之徵遂有襄城重圍之難矣

初公駐軍於襄城也希烈莫不攝懼焉有枝梧之象時公亦以名父之子不忝其役實欲立功成事待罪私室但國軍多故糧盡援絕三將敗績於薛店城中戰士中矢者十有八九焉城外兇衆中飛矢拋木者壕塹俱滿公堅守孤城糧竭於內援絕於外軍志曰設有金城湯池帶申百萬無累者不可守也公遂拔城而遁焉詩曰昊天不儻降此鞠凶昊天不惠降此大戾

時希烈兵勢漸盛南破張伯儀北敗哥舒曜縱師攻汴州都統司徒李公勉棄城而逸擁衆而投宋州大梁遂陷江淮震懼賊旣入城資賄山積河路斷絕長

安以東飛書不遂南方朝貢使皆自宣池洪饒荆襄抵武關而入江西節度嗣曹王臯嚴郵驛厚其供億雖有深溪絕橋而驛騎不病四方賴焉司徒李公旣以敗績詔以宋汴節度劉公洽充河南道都統諸軍事悉以司徒所管配隸焉

司徒公制將曲環前後數陳行列軍事司徒公多不從其計環以司徒公行軍司馬陳履華兵馬使唐漢臣李載等用事多阻環計及與諸將同語司徒公以不從其策自惟敗績但唯唯然環因叱履華曰都統置公腹心遂辱吾軍命左右掣之下馬極加責讓司徒李公大夫劉公皆釋轡錯愕司徒深自抑退以愛

憎不明無所逃於國典大咎在勉非陳中丞之過也
大夫劉公謂環曰軍有利鈍時有否泰昔孟明三敗
以成功良史稱其美也曲大夫豈得失禮於上公環
乃止司徒公以軍敗失土上表請罪上已出宮覽表
潛然謂勉曰朕亦不能上保宗廟越在畿甸軍國之
事一勝一負卿其自安因待之如初

十日制將劉德信高秉哲聞帝蒙塵遂拔汝州星夜
兼馳於沙苑監取官馬五百疋先收東渭橋於是天
下轉輸食糧在此焉軍次昭應列陣於思子陵之西
隅二將執酌號令三軍曰今主上蒙塵神器無主長
蛇逸網魚脫於泉臨難成功冀在憂危之日翦除兇

黨尅復乘輿勳流子孫萬代之貴言訖左右戒嚴三
軍賈勇鼓聲一振奮戟前衝三覆其軍王師大捷乘
勝築壘於東渭橋時十月十九日也

初十日朱泚自統衆攻奉天率羣不逞蟻聚之衆軍
勢漸雄以姚令言爲偽元帥偽右僕射同平章事張
光晟屬焉以李忠臣爲京都留守

十二日賊次駱驛上使中使翟文秀追論惟明邠寧
留後兵馬使韓遊瓌士馬三千八百人二將受詔夕
而奔命夜到泥泉遲明即路遊瓌等命其軍士分部
巡採東道遊奕人爲賊所獲將送泚泚問救軍多少
泚左右抑令蹈舞賜衣一副付偽詔書宣慰先歸者

待以高爵厚賞遊奕人馳還當夜發至四更關門納之惟明遊瓌等再拜蹈舞悲喜交見上膝之前席謂惟明日兇孽滔天宗社不守忠貞之節見於艱危卿等急於國難朕無慮也二將宣布聖旨將士莫不感激

時涇原都知兵馬使馮河清進戎服甲楯垂十萬馬上大悅立頒將卒軍聲遂振

十三日辰時賊軍大合城下交戰自辰接戰至於申酉之間賊徒大敗殺傷萬計是夜賊於城東三十里下營周遍原野擊柝之聲相聞廣陌又修攻具上亦命造戰樓拆佛寺及仇敬忠宅而豐其用若乘城而

戰賊多敗衄若出師戰王師少利

十七日靈鹽節度留後御史中丞杜希全及鄜坊節度工部尚書李建徽各率甲士三千人趨奉天賊氣方銳設伏於漠谷三軍深入探候失備奸人得便夾而擊之為賊所敗希全等收離集散再振其軍

初泚於奉天城東南隅下營立表高百尺造木檻人藏其身縋而上之闕我城闕帝患之召善走砲者拜御史中丞實封三百戶有崇福寺僧昭悟應召而中


之人檻俱碎泚不復更置遂白日移帳於乾陵上南望之遂有雲梯之役車駕還京與昭悟官爵昭悟懇辭不受請充別勅崇福寺主有詔依請

時劉德信高秉哲固守渭橋往往出師遊奕於望春樓下賊設伏皆敗績偽皇城留後李忠臣移牒奉天城下請救兵時姚令言等士馬敗績傷者衆恐百姓乘弊而俘之所抽救援將士皆匿刀箭夜行晝伏此既迫急召機巧之匠設以雲梯刻日而就其梯高百尺濶十二丈梯上可置五百力士城中士庶莫不惶駭上深懷憂顧問百官時神武軍使御史大夫韓澄拜而奏曰臣昔在劍南西山八州防守戰具備諸雲梯小技不足上勞神慮請禦之上曰昔沛公困於項籍而得韓信寡人迫於重圍上天以卿賜朕千載一時卿其勉之時韓澄親受聖策潛穿地道嚮彼來路


布乾馬糞二百車以爲火備城上更廣城牆當雲梯相對三十步以大鑊十口各煎膏油散布城牆之上細剉松脂五十車內庫陌刀五千口白刃如雪排次如鱗城外羣兇三軍齊叫雲梯旣動鋒鏑雨集城中木石飛聲雷震俄頃之間雲梯脚陷前不得進後不得退初梯上有濕氈矢不得入梯脚將陷煙火焰然從地而出雲梯之上人自去氈於是葦縛雲飛松脂亂下熱膏雨散中者逼鬻人脂傍流凡數百步洪焰千尺白日爲之韜光沸聲若雷知漢將之謀也皆縱田單有火牛之策不可同年陸伯言有白帝之功堪季孟此韓澄之計也拜鹽夏節度左三統軍

初雲梯之動也風勢不利咸以爲憂渾公親率列將
酌酒臨火坑而呪曰天道助順志誠感神賊泚兇悖
圖逼君父乾坤不昧宜降大罰因流涕被面精神感
激拜訖須臾大風起吹賊軍勢益加一驟激油下脂蠶
鼓齊震王師大捷賊敗衄焉時十一月上旬也
城中雖有雲梯之捷素無藁草糧儲罄竭賊圍益急
戰士多損傷皇太子親爲封裹巡城慰勞有頃賊射
百張弩於上前三步而下上大驚調渾公曰雲梯雖
捷賊勢尚強位歷之數有窮三皇五帝尚有革易朕
自無德上失天心請從禪代則百姓免塗炭之苦戰
士無傷夷之患朕之願足渾公兩淚而奏曰昔黃帝

戰於涿鹿帝舜征於有苗沛公於項氏爭天下大戰
七十小戰四十太宗六年擐甲尅平多難況陛下承
丕業之餘慶握皇圖而受錄萬方同軌八表恃賴豈
以一小豎厭棄皇家百六之災得爲天譴而繫聖心
哉臣下之罪也今請更三五日閒若不泉泚首獻捷
則臣等甘受鼎鑊之罪上曰張陳尚在吾其困哉君
子曰臨大難而不困者其惟聖人乎百度惟貞始終
無替者其惟良臣乎詩云左之左之君子宜之右之
右之君子有之其渾公之謂乎



國家圖書館, NATIONAL CENTRAL LIBRARY, TAIWAN, R.O.C.



奉天錄卷二

唐趙元一撰

時李懷光自魏博練精兵五萬越太行席卷而救奉天也晉絳蒲陝慈隰同華等州並補授郡牧頓軍於涇陽子父相繼可十五萬朱泚聞涇陽戰鼓不覺墜榻遂抽軍却守長安時十一月十八日也朱泚圍我奉天四十餘日用我金帛食我牛酒勞我百姓三輔兩畿轉無投義者唯李楚琳先事朱泚獨為外應餘四鎮將帥盡是王臣及泚抽軍江東劍南貢賦山積爭功効死如百川之赴滄海詩云趯趯兔兔遇犬獲之此之謂也

初懷光至涇陽自以為君父之讎星夜救援方展臣子將用表誠被門下侍郎盧杞陰中之便令赴咸陽頓軍懷光知被宰臣所中不得已遂發赴涇陽軍士怏怏然不得其志其月二十日到咸陽夜造浮橋而濟築壘於九子澤城周迴四十里中使相繼於路金帛寶貝美人相望繼踵加宰相中書令收城都統至其月二十八日制將御史大夫異姓王李公晟自趙州拔城從飛狐口越白馬津聞難駿奔軍次櫟陽縣有詔加工部尚書神策軍行營節度駐軍於東渭橋斬劉德信而并其軍公身與士卒同甘苦家無私蓄夏不操扇雨不張蓋寒不備裘軍氣益盛三札之

將也初劉德信軍禮不備失儀於公公斬之孔子曰何以為身曰恭敬忠信而已恭則遠於患敬則人愛之忠則和於衆信則人信之犯此先誠其劉公之謂乎

時李希烈兵威大盛南敗張伯儀北敗哥舒曜縱師下汴州也都統司徒李公勉不能抗即棄城而遁鄭滑節度李澄謂諸將曰乘勝之軍不可敵今以詭計羈縻而取之以圖萬全遂飛表行在送啓元兇時李納號齊王田悅號魏王王武俊號趙王朱滔號燕王時神策軍兵馬使御史中丞尚可孤率兵五千自襄

鄧收藍田而入同華節度駱元光領銳卒五千自昭
應長驅而入河東節度馬燧使行軍司馬御史中丞
王權率卒三千鎮於中渭橋與賊相持泚唯據城重
賜金帛而四隅之外盡是王師泚初據乾陵使一騎
於城下招公卿士庶以為不識天命城上伏弩射之
立死時騎馬都尉郭曖守東北角手射殺數十人無
不應弦而斃賊衆叛靡而退曖即汾陽王尚父子儀
之子也

先是朱泚典郡鳳翔有猫乳鼠表奏稱境有祥詔下
中書詳議可否欲編青史衆議皆以為不然或曰鼠
者坎精主為竊盜猫者之食是吾君利器服下之義

也今返食其乳是空我腹賊之徵也果有十月三日
之難矣

以其年劔南西山節度都知兵馬使張洄舉鎮五千
人叛張延賞而攻成都縱兵至於石笋街延賞無備
不暇枝梧棄城而遁投於東川洄以温據為謀主據
素無才略三軍酒色而已延賞使謀者察其不虞知
其無備假東川之師出其不意掩而取之枝葉皆伏
誅君子曰顏氏云力猛於德而得其死者鮮矣張洄
當之又曰丹之所藏者赤漆之所藏者黑以騎將之
張洄所帥奴才之温據攀危輔朽不敗何待
賊泚初至奉天鳳翔節度判官殿中侍御史韋臯領

隴州留後時所在阻絕未知適從臯密謀將帥勵以忠誠覽其雄心皆願効死賊將王文獎齎偽牒誘臯臯欲斬之慮其速禍乃禮而遣之因令其將高光儀往觀形勢既還具揚姦計郝通等尋破汧陽縣義寧軍使李旻以兵會之常有脫文新興二州將王震舉鎮歸臯臯軍容益壯

朱泚以盧龍舊卒五百人在隴州兵馬使牛雲光偽有疾邀臯將謀大變臯兵馬使翟暉以白臯雲光之黨張月桂劉原長馳入告變雲光乃領其眾赴泚次於汧陽逢泚偽中使蘇玉齋偽詔以臯為御史中丞玉謂雲光曰太尉已登寶位韋侍御已拜中丞便為

吾黨可於此還遂卷甲而迴臯偽託心膂迎而勞之因謂之曰臯受新命更無猜阻若先納器仗方見赤心雲光素以書生待臯遂斂戎器付臯臯納之於庫遂椎牛聚酒期以宴賞明日密召隊伍入引眾就馬坊而悉斬之次引諸賊就席酒未行而伏軍發兇黨無遺上深賴之拜臯御史大夫隴州刺史特置奉義軍節度以旌殊能也奉天士眾聞之咸增勇氣不復有西面之憂臯又命堂兄弁聞道陳請朝廷以為雖有誅雲光之舉賊忽併來終恐後敗臯使繼到知己保全乃有勅賜金印紫綬軍中功賞自御史中丞以下咸許承制授之臯慮奸人反聞以阻忠誠乃築壇

刑牲刺血誓衆吏不拒焉吐蕃聞之使贈名馬并及珍異等尋加臯檢校禮部尚書
時偽皇城使李忠臣每坊團練人心大擾泚自奉天行迴悉令廢置經三五日閒即使人偽從城外來布告坊市曰奉天已破百姓聞者莫不飲泣焉
初泚自號其宅為潛龍宮移瓊林庫國寶以實之識者曰易稱潛龍勿用此敗之徵也未幾百姓劫其珍異泚不能禁朝士多在奉天泚班列不備宦豎朱重曜白泚曰可將家屬往城下使其招百官來若不來並對彼夷戮偽中使孫知古諫泚曰不可且陛下初有寶位當以柔服為心使遠近忻戴若將彼妻子對

之殘害是絕萬方向慕之心人人與之為讎竊謂不可於是並獲安全賊黨既敗城內稱慶
時淮南節度陳少遊領卒戍於盱眙聞難即日還廣陵深溝高壘繕甲完守鎮海軍浙東西節度使潤州刺史韓滉開闢梁築石頭五城自京口距玉山禁驢馬出境以戰艦三十艘舟師五千人自海門揚威武至於申浦而還拆上元縣佛寺觀宇四十六所造塢壁自建業抵京峴樓雉不絕穿大井深數十丈下與京江平凡數百處滉將邱岑嚴酷士卒日役數千人去城數百里內先賢邱墓多被侵毀故老以為自孫權東晉宋齊梁陳兵壘之故未始有也滉下三千人

先成宋州即日追還以其所親吏盧復為宣州刺史
采石軍使增置營壘部內佛寺銅鐘並鑄戎器本司
取處分韓公判云佛本無形有形非佛泥龕塑像任
其崩頽銅鐵之流各還本性既而並付鑪焉
少遊以甲士三千人臨江大閱與滉境會滉亦三千
人臨金山與少遊相應以樓船金帛交聘於江中時
滉以中國多難翠華不守淮西幽燕並為敵國公慮
教倉之粟不繼憂王師之絕糧遂於浙江東西市米
六百萬石表奏御史四十員以充綱署淮汴之間樓
船萬計中原百萬之師饋糧不竭者韓公之力焉與
大漢之鄼公各一時也

時少遊出軍五十里日午不得食遂行掠瓜州楊子
雞犬無遺鹽鐵使御史中丞包信以財帛一百八十
萬疋轉輸入京少遊盡取之信自詣少遊止之少遊
長揖而遣之又遣幕佐貴信楊子院財帛孔目信先
有守附三千人被少遊隸焉又加伺隙信心不安遂
急棹渡江妻子伏於素牘中信使使飛表於蠟九中
論少遊收財事上深不平信宿少遊使繼至上問使
者少遊收包信財帛有之乎對曰臣發揚州則無臣
發來後非臣所知也上以國步多艱恐更生一秦但
從容謂使者曰少遊是國家之守臣或防他盜不爾
實軍府收亦何傷時方隅阻絕國命未振遠近聞之

大驚咸以睿情達於通變明見萬里之外少遊聞之乃安

時諸方開境自守江西節度使嗣曹王臯東拒李希烈身在蘄陽數遣齋珍異聞道進獻故當時推重焉上尋命鹽鐵使包佶自揚州達荆襄轉輸東南征賊舟船萬計到蘄口希烈賊衆二萬掩至嗣曹王臯與騎將御史中丞伊慎援甲力戰於永安柵大破之殺傷殆盡是日若微臯慎之功佶之所統並為盜資以其月二十五日中書侍郎盧杞貶夷州司馬白志貞以宿衛不警貶恩州司馬戶部侍郎趙贊貶播州司馬尋免閒架之賦而下罪已責躬詔去聖神文武

之號於是李希烈李納田悅王武俊及所管將吏皆以官爵待之如初分道宣慰海內忻忻若登春臺矣其扈從奉天將士並賜名定難功臣身有過犯罪減三等升奉天為赤縣給復五年在縣城者給復十年京城減收兩稅之半即興元元年正月一日也

是月朱泚亦改偽號曰天皇元年國號大漢泚以國家府庫之殷重賞當有稅文應在京城公卿家屬皆月給俸料以安衆心泚外賜軍士中撫班列兼修戎械之具攻守器備費用巨萬計洎泚之敗而府藏不竭識者以前後主計大臣不思萬姓之殫竭而轉輒相資務損於人為國生患皆是廟筭無良陷君之罪也

時赦令既行諸方莫不向化惟李希烈覆車不改以
監染滑石為玉璽以折車釭為瑞誰惑其衆年號武
成國號大楚以張鸞子為宰相孫廣為中書令鄭賁
為侍中充汴州留後司徒劉公下汴州並從夷戮希
烈以蔡州為宮廣設門額分其境內為四節度以安
州為南關外生劉誠虛為南關都統誠虛武勇絕倫
希烈憑之而反後被嗣曹王臯騎將徐誠生獲送於
朝廷

初朱泚僭位使走卒趨捷者日馳數百里送書於朱
滔書曰昔文王囚於羑里終王八百之基殷湯繫於
夏臺後有解網之頌吾頃典郡四鎮藩夷戰懾唐王

不察信諂諛之說吾罹奸臣之禍便奪兵權雖位列
上公詔書繼至情懷恍惚百慮攢心何期天道盈虛
五運更代物極則返憂極歡來歷數在躬以登寶位
涇原四鎮士馬爭驅隴右鳳翔獻書繼至三秦之地
指日尅平吳蜀之間已令宣示河北一路用卿殄除
布新令以示之推利害以誘之懸爵賞而招之張皇
威而逼之驅鐵騎以臨之橫行洛陽與卿大會於定
鼎朱滔得書西嚮拜舞宣示偽詔曉諭三軍使令有
司條流移牒諸道曰今月八日大秦皇帝已登寶位
關西四鎮應時款附請為臣妾唯奉天孤城危同累
卵不有廢也將何以興今披讖應圖則鼎新之兆先

也同夫夏俗待我后以來蘇今發突騎元戎四十萬
奮劍與夕火爭光揮戈與秋月競色長驅河北至洛
陽與皇帝會蹕於上陽宮牒魏博恒冀等州將士即
宜擁節歸朝達於先覺必使勳流奕葉榮及子孫如
或固守窮城不識天命必使覆巢破卵易子析骸請
看今日之長安竟是誰家之宮闕太山如礪可知非
石之言秋日麗天不易勤王之意

興元元年春三月九日朱滔發兵臨河北地士馬宏
壯有驕伐之色以先有救田悅之功希為內應謂悅
開壁迎滔因此欲有吞并之勢相魏若下河北悉為
朱氏所有王武俊機謀者料彼敵情防其不意閉壘

清野馳使往來身且不與滔相見滔亦戒嚴秋毫無
犯軍次魏境卒情將驕欲有城下之意時貝州刺史
邢曹俊武勇絕倫英威自若勵兵秣馬固敵是求朱
滔圍城日夜攻戰

時武俊致書於昭義魏博等書曰自古通賢見機而
作主上明明二百年之令主宗枝百代帝子帝孫吾
徒頃因讒臣罔上觸藩之際遂懼傾危拒境抗兵偷
存瞬息今朱泚竊據於宮闕朱滔長驅於河北聖上
巡狩於幾甸希烈侏張於淮楚昔班彪之智知漢祚
之未衰馬援書生識光武之可輔今請轉禍為福以
過為功勩力勤王共匡時難牒昭義魏博滄景等州

即請部署四鎮齊驅魏博擊其前滄景掩其後易定
乘其左昭義奪其右掃蕩妖孽廓清寰宇然後奉表
紫宸獻書北闕榮家榮國豈不休哉諸軍得書各進
表行在有詔令魏冀昭義進軍擊朱滔也諸將受詔
各遂攻敵武俊謂二將曰僕才非廉藺今遇時來請
効先鋒諸公勒轡一觀成敗二將勒兵據險為武俊
軍援朱滔與武俊自辰交兵至於牛未之間氣色兩
衰武俊為流矢所中遂各抽軍歸營壘武俊謂二將
曰軍勢兩衰各請騎士昭義相魏各率精騎五千昭
義節度李抱真使馬軍兵馬使御史大夫來皓為軍
正皓令三軍曰今以騎士一鼓而摧之其勢必敗賊

營若動便請三軍齊驅如覆巢之破卵百戰百勝之
情也曉示訖皓領三軍騎士一萬當鋒而衝之乍聚
乍散軍勢彌盛賊恍惚莫測其筭且武俊伏兵要害
李抱真使行軍司馬盧元真勒兵一萬襲其營壘滔
聞後軍有變左右顧望軍勢不安遂抽軍奔壘軍勢
亦動被王師追逐軍遂大潰棄甲而遁武俊伏兵邀
之誅斬略盡三十萬之突騎隨霜劍而星飛數百里
之浮屍有長平之冤氣朱滔挺身奔於幽州天喪渠
魁遂發背而死於戲天道惡盈其朱滔之謂乎於是
河北諸帥獻書行在悉為王臣皇恩普沾咸蒙洗雪
詩云我徒我御我師我旅我行既集蓋云歸處

初田悅叛王命有表請貸絹八萬疋賜賚三軍此為不道之萌矣聖上以天鑒孔明無幽不燭謂悅使者曰君臣父子義無貸假四海之內皆是我家日月所照悉為臣妾卿彼將士即朕股肱若信貸假功傷物議今遣將絹八萬疋以充三軍牛酒之貺使令宣示曉喻三軍三軍愕然知有逆順田悅不遂其謀矯詐遂息旋因于邵令孤峘鮮于叔明等上封事揀練僧道恩制既行宣示天下田悅因此得展逞謀偽稱恩制揀點三軍老少中人已下多怨謗焉田悅遂調說三軍拒我王命全軍圍我臨洛守將張丕練卒三千堅壁深壘號令嚴肅甘苦皆同吏士莫不効其死節

圍經五月糧儲罄竭賊圍不解丕先出私家牛馬用充軍食三軍莫不感激焉乾牛韋弓並充軍食易子析骸亦已甚矣

時太原昭義河陽並頓軍於狗明二山時田悅壁壘嚴肅馬公不果前進問鄉老曰按圖經此山有名否鄉老曰一名明山一名狗山公曰即此頓軍必勝之地謂田悅是兔相也不丕已糧竭計無所出晨夜舉火與馬公相應飛書不遂有東風形勢甚便遂作紙老鴟而致書焉直放上高數百尺風勢愈急直上至馬公中營田悅命善射者數人射之不及馬公三軍大呼擊鼓迎之馬公得書書意甚急如三日內不赦

全軍必陷馬公見危赴難遂進軍救臨洛田悅喪師
十有六七焉遂奔洛州馬公與諸軍進圍洹水於城
西南列三大營悅自洛州拔歸南至頓邱縣也

奉天錄卷二終

奉天錄卷三

唐趙元一撰

李懷光返旆解奉天重圍實救鴈門之急功無與議也然而大駕再遷亦懷光之反覆也嗟乎火焚崐山玉石同燼阻兵頡頏臣節遂虧功高太山而不能守名參伊呂而不能全何終始之不一也懷光既招朝議自居反側降吳不可歸蜀無路謂三軍曰吾進無王翦益兵之過退無李廣失利之懋吾心惟勤王而聖主見疑錫之鐵券吾騎虎捻耳倚鹿是困自古列地封王各為盟主今是時也吾觀兵河中晉之舊壤秣馬訓士以俟天時看其形勢見機而取之卞莊子

刺虎之事也不亦休哉軍吏大呼春三月拔咸陽城掠三原等十二縣雞犬無遺老少步騎百餘萬時上幸梁洋關中四鎮各屯兵戒嚴自固封境更相疑阻莫知適從

時檢校右僕射李公晟以懷光進軍於東北李公戒嚴於西南以卒五千廣張旗幟列陣於滄水之陽灞水之陰遊騎至於望春樓下朱泚閉壘而守不敢枝梧

李公又使大將御史大夫莫仁擢以步兵七千襲懷光輜重騎將陽重問等五千餘人悉來款附李公謂諸將曰公等久著勤勞有垂成之功太尉忽乖臣節

何也公等若執迷不返則功勞併棄顛而不扶焉用彼相龜玉之毀誰之過歟用兵之害猶豫為大合殺不殺天賊乃發誠能見機轉禍為福諒可嘉也請去戎器方表素心諸將士等喜躍並棄戈矛器仗山積以禮見李招集叛亡之士收募豪傑軍容日盛關中四鎮知忠義而歸附也則東北之役不戰而成功西南靈旗醜虜以喪魄斷二兇之勢不敢相附皆李公之謀也詩云赳赳武夫公侯腹心以二兇之閒兩面受敵遂密表行在論懷光不臣之狀陳孤軍腹背用軍之謀臣請死節王事願陛下天威遠借死日生年臣之願也上覽表潛然謂公使者

曰晉帝北伐劉元海公私單乘以從行役麴三十餅以充御食尋覽史冊莫不潸然為之流涕朕今此行備嘗斯苦卿獨存臣節無物申得朕懷今將先帝血脉與卿為信悉朕深意卿其勉之遂翦髮方寸付公使者使者將命具宣聖旨公舉身自撲濺血灑地三軍慟哭山震獸驚陣雲橫衝魚躍沸渭將士拔距爭効死節公謂三軍曰昔逢蒙善射弓不調而不射吳起善戰兵不教而不戰今饗士練師然後可用夫中國者天地之秀氣也明主之所化也聖賢之所聚也于官踴踴百辟翼翼皇上行幸為賊所乘周鼎未輕臣死君難司馬公之食汝只在今日平原君之好客

終聞穎脫

公精勇感人神雄略出天地先聲一吐威名震於賊庭號令既行逆命懸於鬼錄三軍賈勇若赴私讎公知士卒可用以行軍司馬鄭雲達為軍正察軍情為用張或侍郎為都知糧料使知轉輸焉軍帥孟日華王賁等為心膂蒐乘補卒各有司存焉軍容大盛與亞夫柳營各一時也

坊州刺史竇覲徵召百姓防城擬充行役管內鐵鐘鑄為戎器監者盜其鐘鐵用充鑄鐸及鐸成而作鐘鳴響人謂之妖怪遂聞其州縣鞠問其故乃鐘鐵也覲自忖為發機之首遂取鐸置於淨室焚香禮拜供

養焉

時蔡人縱兵已下汴州遂有吞江淮之志三吳股慄其遊騎達於襄邑縣宣武軍先鋒寧陵襄邑兩城都知兵馬使兼御史中丞高翼統卒一萬固守襄邑有轉輸之粟利器山積為賊所乘不踰旬日軍敗城陷戎裝委粟悉為盜資矣襄邑為蔡人所有高翼有勇無謀不思孟明之敗遂憤惋透河而卒君子曰夫綆短者不可以汲深智小者不可以謀大斯言信矣蔡人僥倖遂欲長驅自謂莫敢有爭衡者時都統副使右僕射兼御史大夫宋亳節度劉公洽幽龐兵馬使御史大夫曲環淄青兵馬使御史大夫李冠信并

永平同華等軍有詔以劉公為都統諸軍事五軍步騎十五萬大會決戰於汴水之陽白塔之地自辰至於申酉之間勝負相半賊益生兵我師不利夜後抽軍各不相救都統劉公宵逃細柳縱騎奔於敵營也去賊稍近步卒桓少清謂劉公曰僕射是萬里長城國家天柱軍有先虛而後實今少有不利縱騎奔敵以愚度之恐非計也便逼劉公而控其轡劉公謂少清曰若審爾者終不相負假我戎器意乃決也少清以戎器授於劉公遂控轡而迴三更達於宗州劉公收離集散保守城池秣馬厲兵以俟後舉孟夏之月蔡人有白塔之捷縱兵攻寧陵自襄邑達

於寧陵路經七十里外水陸薦至樓船河中魚貫相
次步騎兩岸蠅毛蜂起蔡人驍捷自謂功在頃刻時
寧陵兩城都知鎮遏使兼御史中丞高彥昭宣武軍
馬步都虞候先鋒救援兵馬使兼御史中丞劉昌御
史端公張昌等築壘清野秣馬訓兵憤氣填膺誓雪
國恥蔡人恃衆攻逼城邑自秦漢出師攻戰之具未
足多也公等禦之九攻九拒百戰百勝元兇使道術
之士置土壇祈諸風伯承風放火焚蕪戰棚几數百
步聞煙焰衝然風勢踰急兇徒順風上城攻掘女牆
百堵皆盡戰士多難之高公按劍登陴而望之見兇
醜方盛將士不安乃仰天而嘆曰今逆豎馮陵兇威

轉甚皇天后土豈無靈應者哉昔呂光伐龜茲也尚
感神獸呈質而軍師大興宋祖之伐慕容蒼鵠入幕
今仗皇天之威為國除殘去害若運數有終彥昭請
死於此城以勵臣節如其國祚再昌上天降鑿便請
迴風知神理之幽贊也言訖而風迴三軍賁勇請求
死鬪女牆高處公令旋立木棚與賊交鋒狂虜奸謀
一夕萬變公皆隨而應之棚上烏衣者如光武之鷓
路焉

時中丞劉昌潛謂左右曰乘勝之軍不可敵况彼衆
我寡倍兵不戰軍機所誠不如拔城以示弱東至宗
州與僕射連轡出其不意功必易成遂令廝養之卒

策騎而備焉高公知之勅諸守人各固封界無令失機遂自往下城先謂公曰頃為女牆戰棚未得用機今戰棚已燒女牆又盡乃可展其方略也天下功勳在此城取之劉公有所懼強請高公曰准節昌取之此句中丞勳業何啻淮西也二將言訖高公登城號令三軍曰劉中丞意欲拔城示弱覆而取之且中丞是救援之軍彥昭是兩城之主得失只在城主又將士身中刀箭者並於城內養之彥昭棄城而遁則傷者死於內逃者死於外何以能安三軍忝與兒郎為主不能堅守城池忍遺兒郎頸犯白刃吾不為也且軍令在和不在眾謀主在德不在勇商周之不敵也昔

謝安石以羸兵七萬敗苻秦百萬之師魯姑女子之義尚能罷齊軍之眾況丈夫食人之祿死人之事匪石之心確乎不拔臣節有在三軍將士或號或泣喜躍兼并咸曰我公若在兒郎等死日生年於是距躍曲踴請求死戰

自此已前分番上城更直巡探自此之後並皆上城三軍同心萬人一德劉公見公色多媿赧高公諭曰昔賢之用兵也任賢才布德政不戰而勝不攻而取今之用兵也尚奇策重權謀守必全戰必勝今以國步未清皇上巡狩大盜移都且須散金帛犒師旅使聞鼓而蹈湯赴火聞金而星布雲合賞給之備請中

丞條流城外小虜不足為慮

時圍益急西北角女牆悉盡賊居平坐顧視城中無不委悉軍士皆有難色高公精貫白日神情自若謂三軍曰今是壯士封侯之始忠臣効節之秋明主立賞以待賢懸爵以錫功彥昭身先士卒有異議者當按軍令言訖按劍前進慷慨咄嗟畏我忠誠賊軍稍解高公取私家牛馬大會將士肉山酒池三軍皆醉高公為三札之將戰士為萬死之人天下安危寄在茲日賊雖小退兵衆尚強高公命幕佐修狀請益兵判官尚華狀稱賊於西北壘道更高左擊右攻平視城內日夜交戰以棚為牆鋒刃相持不踰咫尺伏惟

僕射去食存信救此孤城遊魂之年返骸之日謹錄狀上伏聽處分判官將呈高公高公見之謂尚華曰判官輕我軍士卑我將帥若值六國爭衡吾則與廉蘭齊驅如逢佐漢開基吾則與韓彭並進今城外小虜可以權道取之尚華未盡深意焉得壯賊兇威易我王師乎索紙自修其狀高公狀云看此賊勢朝夕西遁以今月十八十九日頻日出師乘其不意生擒大將等三十五人今見今所由錮身送上斬首三千二百級賊徒膽破軍勢不安逃遁有迹日夜枝梧免落奸便伏惟高枕不用遠憂謹錄狀上劉僕射得狀忻然慰懷謂將士曰良將在西吾無患矣選驍雄之

士八百人重加錫賚戎械鮮潔令赴寧陵半夜而入
蔡人不知平明蔡人逼我城邑且貌虎之士一以抗
百鞞鼓一振萬矢在弦鳴笛一吹千弩齊發兇徒瓦
解何牧野之類焉遍野積屍豈昆陽之可匹蔡人謂
我救軍從天上來遂亡旗而遁高公練其騎士追之
倖斬萬計自寧陵至於襄邑樓船寶貝悉為我有倉
庾輜重實我資糧汴河之陰枕屍數十里皆高公義
勇之功也

時劉公書與高公勞之曰宣武者天下咽喉國家之
襟帶元兇傑逆竊弄神器洽與五軍大戰幾落奸便
走馬奔馳分為擒虜昔燕昭王收燕之餘人欲報強

齊雪先人之恥折節下士卒招賢俊築壇拜節郭隗
為師於是樂毅自魏而至燕國既安人民樂為用也
以樂毅為上將軍糾合諸侯共伐齊下其七十城今
洽為國除殘去害天借賊機官軍不振賴中丞異代
聞生夷兇翦暴心貫白日功高一時請迴洽官爵並
與中丞事寧劉公表奏為詔拜公御史大夫實封一
百五十戶

公英謀獨斷為天下紀綱武略雄圖有濟世之策蠻
化在手方寸神鬼不測奇謀拔濮陽則齊魯亡魂守
寧陵則獨正王室趙魏燕齊之列將爭來款附嗚呼
天降兇孽禍亂相尋蚊蚋亂飛處處皆有高公獨守

孤城奮不顧命徘徊嘆息嗟漢祚之暫衰慷慨懷忠
知唐運之復振烈士臨難而盡節忠臣見危而致命
力竭弓劒血殷朱輪杖戟咄嗟懦夫增勇積屍成觀
豈寧陵之足高流血為池嫌汴河之不廣元兇遁走
江淮又安千載之後尋巨唐良臣傳知高公威德之
不朽也何必寇恂河內鄴侯關中而已哉夫子曰丹
漆不文白玉不雕質有餘也公之元勳碩德巧思奇
謀隨機應敵戰必勝守必全實曠代罕儔也
時壽州刺史御史張建封總師五千屯於霍邱時希
烈兵成大盛一戰而伯儀棄甲再戰而哥舒拔城大
梁雄藩不暇自守雄揚巨防屢申款附公用軫於懷

謂三軍將士曰今大盜移國京師不守公私塗炭皇
帝蒙塵未見申包胥慟哭於秦庭但見姚令言稱兵
於肘腋希烈屢勝勝則必驕驕則可圖也軍雖小仗
順可立大功在於此時也

公雖外示威武而內攻守之計未知所出百姓李通
耽耽之士也聞之謂子弟曰吾聞君侯勲庸久著才
業甚高衆所具瞻遠近景慕今以西鄰傑逆密邇封
疆有勤王報國之心無曹翽蒯通獻奇之士於是策
蹇足造軍門請謁於公將吏問其故通以情告謁者
乃見之公謂通曰來我轅門有異見乎曰然公曰子
試言之通曰昔沛公拔足揮洗元德三詣亮廬韓信

請計於左車此數者求賢之謂也夫決安危之策定
理亂之機佐造化之功攬英雄之士除天下之禍議
萬全之計不在思賢而在知賢今天下安危在於淮
楚師律振則三吳安三吳安則國家不失外府君侯
即宜收集子弟禮遇豪傑閱子房黃石之書披淳風
衛公之術奪賊馬以益騎收賊糧以益儲殄滅元兇
致君堯舜若不然則閉壁深壘按甲養兵自保封疆
外假英雄內修文德見可而進知難而退如是縱不
能牧馬申蔡豈使虜入封境哉張公曰子少止吾知
之夫兵者兇器也聖人不得已而用之又曰聚兵十
萬日費千金又曰師克在和不在衆昔者李陵提步

卒五千深入絕漠當單于莫量之衆吾今兵數不減
於陵矣賊又擅帝王之號假諸侯之力已下襄陽而
令若秋霜盡歸本鎮而飛走無遺殺戮不辜過於赤
眉黃巾矣及攻州郡剝喪黎元塗炭士女奪人之妻
離人之親劫人之財孤人之子王孫之室翻為原憲
之貧糜竺之家乃作鄧通之鬼天怒神怨此可取乎
今當圖萬全之計不知一戰之策也張公深識遠慮
潛圖密謀人所不測也知本道必有與賊通好之事
賊必有往來傳命之使欲因斬之以建功業大與師
旅以成其勳是以匿銳沈精通不之知也
未幾本道揚州節度司徒陳少遊見元兇兵威日盛

謂三軍將士曰揚楚之人故多怯懦淮寧兇勇難與爭鋒今可以權計羈縻而取之遂表行在使討擊副使溫術於元兇塗出壽陽張公知之乃繫術於官舍而搜其行旅果獲款狀使使上進有詔追術帝親問其故溫術雖即言之猶為魯諱帝謂術曰張建封據一州之地馳半縣之卒當賊大衝少遊居維揚雄藩脂膏之地十萬之師唵嘯可致竇融河西之節應為漢網踈也帝居行在且復舍垢而已

尋元兇使偽殿前散將兼衙前虞侯楊豐送偽赦書於揚州張公察知而獲之乃集三軍將士百姓士庶等謂之曰李希烈起自我行驟遷台鼎素無才行偶

遇時來而不能思致身之所敢肆滔天之禍物極則返木秀則摧不守窟穴恣其非望楊豐敢與兇謀構我節使昔漢將寇恂斬隗囂使而下其城今是時也斬豐而表聞帝覽表大悅加公御史大夫濠壽廬等州都團練觀察處置使勅書手詔繼踵而至軍聲大振

公於是敞大幕立義旂賞英賢練士馬大豪傑俊爭來効節公皆隨其才而用之君子小人咸盡其能幕府無遺才矣遠近向慕元兇懾氣將士皆樂死戰公乃蒐三軍之寶聽輿人之頌少長有禮知其可用因元兇北下汴州東破襄邑全師攻逼寧陵土山壘道

瞰臨城內公乃悉銳躡其後師次固始賊顧望寧陵
返旆至於大梁不敢安席席卷南馳以赴固始之急
張公既解寧陵之圍復全軍歸保於霍邱所謂見可
而進知難而退武之善經也既而飲至策勲慶賞遂
行無不忻然元兇自此不得其志汴州覆敗後尋亦
憤恚而卒詔拜公檢校右僕射兼徐泗濠節度
處置使錫賚繼至御札盈箱其見寵遇如此

奉天錄卷三終

奉天錄卷四

唐趙元一撰

上初拔奉天而車駕至宜壽縣北渭水之陽謂侍臣曰朕之此行莫同永嘉之勢因潸然流涕時工部尚書渾公聳身轡而對曰易稱先號咷而後笑素王之至言肅宗幸靈武代宗幸陝郡尼父遭匡人之難絃歌不輟其聲故曰臨大難無憂懼者聖人之勇也言訖濟河六師巡狩駕次駱谷青山有八十四頭盤直上千仞山勢岿嶷攀蘿登陟見蓬萊之遠岫遙望五峯似一拳之培塿山頂無草木直下望煙霞時聞春鶯關關往往出鳥叫嘯日肝萬乘思食前路尚遙躊躇

之間忽有一徑不容乘騎人可繞通循此而行過數
百步忽見僧房嚴肅廊宇清閑石砌散花金鋪耀日
彩素丹牖樓殿遍谿寶鐸喧空和鈴雜吹地逾高勝
境界難思池沼澄虛下含煙霧異果呈寶殊香滿空
千葉蓮開萬年花發芬芳茁茁相映林泉又見老僧
年踰八十貌古神秀氣清體閑先馳稽首謂老僧曰
皇帝巡狩路阻崎嶇谿谷萬重杉松拂漢脩途尚賒
日肝湏食帝將憩駕御膳如何老僧曰聖人行幸迴
駕在近左右扈從其數幾何先驅曰若在路從駕其
數莫量今在左右繞有千數老僧曰千數之膳何足
介意先驅見山人物既少慮難修辦老僧心知謂

先驅曰昔左慈術士也尚卮酒片脯搗勞三軍醉飽
況香積之飯戒定慧之薰修百萬人天尚猶不盡況
乎一千人數何足多矣於是飯瑩殊光羹鮮玉液明
踰麗雪香奪芳蘭扈從千人無不飽足聖人憩駕歡
情見容心思聖言載忻載躍食此飯者身安體輕皮
光色潤知是聖人無作作則感動天地靈祇百應元缺
是亡機自然而至也老僧曰山中小徑路僻人稀山
頂孤峯唯聞猿嘯清風明月空伴經行之時流水行
雲豈知坐禪之劫

聖上迴駕循路南征俄忽之間回首返顧但見空山
萬仞石壁千尋草木不生罕逢人跡皇帝倍生驚異

馬遂向山稽首而言曰朕知諸佛聖化也國祚之所
侍蒼生之所仰願朕早尅京師天下通流必無留難
言訖循此數百步南望漢江仲春草青俯臨細水目
送歸鳥心懷漢宮皇帝潛然不覺揮涕百官扈從強
笑含哭從此南行不過三五里即入崆峒之谷直下
萬尋風水潺潺似鳴琴之逸韻雲蘿翳鬱狀仙洞之
幽棲石壁紅崖自然錦障猿聲鶴唳過客傷心於時
三秦遺老雪涕而望乘輿行路咨嗟相視而思漢德
趙魏之將返旆而討賊臣恒冀諸侯攜手而歸德化
三吳三楚稽首而捧綸言三蜀三秦罄節而宣王命
駕次漢中梁洋節度嚴震草創朝廷盡忠社稷位兼

中外銓敘羣材行在肅然遠近忻慕四方貢賦如百
川之奔東海也南方士庶如岐陽之輻輳焉
上以偽號未翦志復中原盡禮接垂釣之賓馨恩感
拔山之將皇帝曰萬方有罪責在朕躬今社稷不守
播在山谷緬思七廟無主八陵絕饗莫不痛心疾首
今須擇名將揀良臣授鉞專征誰可任者朝廷衆議
以工部尚書渾公可充此役乃擇日齋戒設壇場皇
帝先居正位渾公北面而立帝親操鉞授公曰上至
於天下至於泉將軍制之勿以受命而重死勿以怯
退而喪軀審侯敵情善觀時變務在全軍濟衆順天
除害公乃卜吉日備軍儀鑿凶門而出師帝自推轂

乃辭而行是日軍中不聞天子詔但聽將軍令介冑之士愕然相謂曰萬國蒼生之命懸於將軍矣
渾公身擐黃金甲領步騎三萬從斜谷出師李楚琳雖與朱泚通好畏我奇謀不敢出戰渾公自渭橋驛水之陽引師東上至武功縣會泚以步騎四千人玉帛三千馱自長安而來欲往鳳翔涇原充三軍結好共拒天命會公於武亭之川泚卒素豐金革先來挑戰渾公以士馬遠來未元缺遂抽軍於武功西陂下營以挫其銳氣渾公先與羌軍和好使其遊騎引之取路於東原而入渾公自將麾下從西陂而進合勢之賊軍大敗斬獲殆盡積屍填谷白渠水咽而不流

驍卒四千一無遺脫所獲金帛並充羌軍賞給禮而退之公一無所取然後引軍入奉天城移牒諸道渭北靈鹽邠寧涇原鳳翔等諸道繼至中原尅復自此而始詩云原隰既平泉流既清邵伯有成王心則寧又曰剛亦不吐柔亦不茹其渾公之謂矣
夏五月二十有八日右僕射李公晟金商節度尚可孤同華節度駱元光神策制將高秉哲潼關大使御史大大唐朝臣等自東渭橋至終南山百有餘里南北布兵騎士行列前後如魚鱗焉李公從苑東北角壞垣而入泚不之覺泚用張光晟為門下平章事委以心膂光晟勢窮因為內應李公縱騎至於白華殿

泚方知官軍大入不敢枝梧策馬而遁李公搜索宮苑殄掃羣兇然後使之號令嚮都人不知軍令肅如也
渾公使河東節度兵馬使王權從中渭橋而入公與李建徽韓遊瓌戴休顏張獻甫等西至茂陵東至周市坡夜半下營遲明就路逮乎日出連騎齊驅朱旂焰天元甲鱗地咸陽孤城一鼓而下
渾公使先鋒遊騎東入長安然後大軍繼至與李公同臬兇黨先鋒至三橋逢李公使者齎牒與渾公令取北路追泚渾公却入咸陽與諸將計會諸將皆云李公使者言從東面收城國家金帛寶貝三軍豐足

而我諸軍跋涉山川侍衛乘輿草創建朝廷返旆破殘賊李公下長安頽我武功之捷李公不自追賊移牒此軍是輕我也且爭名於朝爭利於市見機不取更欲何為且李公士馬不過十五萬金帛既豐必有驕伐之色宮苑綵女悉為僕妾各自顧金帛守妻子誰為戰者今我此軍且有朔方神策幽隴宿衛不下二十萬若卷旗而取之如餓狼之逐跛兔鷹隼之擒困雀也騏驥之逐駑駘也今若不取後難圖也渾公愕然而謂三軍曰將士徒知其一而不知其二昔蘭相如駐車避廉頗分路而行車下之人請歸穡養相如問其故對曰臣聞主憂臣辱主辱臣死今相府避

路廉頗有不強之色臣下無依請歸田里相如謂從者曰廉頗威武猛勇何如秦昭王曰不如也相如曰吾尚不懼秦昭王豈難於廉頗耳今諸侯不敢加兵於趙者為吾與廉頗若我與廉頗相得失勢不兩全諸侯乘危而進軍趙必危矣吾是以避路為趙國社稷非難於廉頗也從者曰君子之智非下臣所知也遂再拜受命廉頗聞之負荆請罪為刎頭之交吾今亦然也吾有保衛之功亦神理之不昧李公抗二兇之勢亦有莫大之功今蔡人竊號於梁國懷光不賓於晉府聖主巡幸而未返楚琳伺隙而進軍當有脫文懷光得志於蒲晉希烈侵淫於河洛齊魏抗兵於封境即

人臣道喪聖主何安根本未寧枝葉何寄吾是用勤王志存社稷上在奉天功臣將士優賞至高足豐其用公等父母妻子並在長安今若與馳逐則白刃之下孰辨賢良黃塵之中寧分貴賤崐山縱火玉石俱焚霜飛上林芳蘭同隕流血積尸之地寧分父母之容千軍萬馬之中孰察妻孥之狀公等血屬豈不殆哉今若勦力同心共成王事誅斬兇黨獻捷王朝子孫榮慶於前恩光更流於後豈不休哉三軍將士曰君子所幸小人之不幸也非臣下所知也敬奉命引師西上朱泚奔西戎至寧州官屯從者梟首送於漢中渾公擁節與諸將返旆迎駕而歸於國都也孔子

曰功被天下守之以讓勇力震代守之以怯詩云知我者謂我心憂不知我者謂我何求又曰哀我人斯亦孔之將豈不然乎

李公晟電掃關中櫬槍已滅風行草靡車軌攸同兇黨伏誅枝葉皆盡逆人之迹並令削除天府神都咸稱萬歲李公軍政鄭雲達時為行軍司馬收長安為前驅焉畜銳被堅拔距摧敵上知文武絕倫深謀遠古屢有詔旨寵錫殊常初收京師克搜獲宮殿斬決解補皇城留後灑掃禁衛如此等使踰三旬焉車駕歸復京師尋遷給事中衛尉卿兵部侍郎度支副使公文武上才聲名藉甚執事不平之令公朝堂謂諸

執事曰晟有渭橋之捷並是鄭雲達之功今天下無為方欲指陳得失莫見皇帝還京有乖雅意眾俱茫然唯稱不敢其見推功之切如此張彥侍郎令公之子婿也見機之士也請固守渭橋倉轉輸諸軍糧儲有繼祕略元勳忠誠決命贊令公義勇參佐幃幄大興王師掃清宮掖可謂佐略之雄也王賁侍郎即令公之宅相也志大氣雄酷似其舅佐渭陽而主定大業功冠乎時統師旅而雄勇絕倫忠義宏代累受詔旨誰曰不然立事立功是崇台鼎可謂大丈夫處其厚而不處其薄矣軍帥孟日華膽勇殊倫謀猷罕匹以戰必勝所謂興王以守必全所謂寧國七擒七縱

深知敵情負戟前驅當鋒瓦解帝嘉其誠節寵錫殊
常尋拜工部尚書渥恩屢至可謂中興之良將也今
公輔天地正星辰實此四公之力也雖古用賢不啻
過也

令公崇重刑法不貸時偽門下平章事張光晟恃內
應之功辭公先往迎駕擬立功於眾臣之上李公知
其姦詐乃集三軍而讓之曰君子蹈道以全身小人
反是以伺隙吾聞忠不惡君智不叛上勇不逃死光
晟嘗且同謀不終其義佐漢又非純臣事迫勢窮返
噬其主晟方掃除妖孽洗滌宮闈四兇碎首於王階
三苗屏除於天外光晟返覆其君亂我邦國將付大

戮以戒將來豈可使首鼠豎子與我同天乎付都虞
侯賜之極刑光晟臨死而言曰傳語後人第一莫作
第二莫休此乃賊臣之詞君子曰神策祕筭豈晉智
而今愚俱為漢臣何前忠而後亂二心事主豫讓之
不為三思而行季孫之善志
李公一清宮掖德比伊周再殄兇渠功超衛霍社稷
立宗廟安命有記言之官百司不素表奏行在詔
命公自苑園畿甸皇城諸鎮各量功補授其廊廟資
格制於行在
工部尚書渾公自下咸陽追捕逆黨與四鎮節度迎
駕於梁洋大駕還京威儀輦轂前後部伍兼四鎮六

軍神策威遠並渾公為總政而歸於長安也詩曰周雖舊邦其命惟新又云厥德不回以受方國渾公有

焉

皇帝發自南朝來歸鳳闕雨師灑潤風伯清塵玉柱金繩御路星布金吾六軍神策四鎮三台八座九寺公卿十二衛將軍省閣即署先驅後殿旌旗蔽野雅樂喧空麗日披雲綠山被谷駕次陳倉縣鳳翔節度李楚琳與九縣官吏耆老等五千餘人拜舞於上前上令中使宣勞官吏耆老等楚琳一無所問以其貳於我也初楚琳與張鎰腹心見泚僭偽遂賊殺鎰而歸泚泚

授楚琳鳳翔節度泚攻奉天楚琳供應及李懷光救援軍次涇陽泚却守長安楚琳勢窮遂進節奉天帝不悅命左右焚之即欲元議上以天步猶阻含垢匿瑕且為容忍遂發使賜楚琳節羈縻而取之後懷光阻兵帝幸梁洋楚琳又與泚通耗帝聞之深不平皇帝還京楚琳從駕至長安詔授右衛將軍表請出家有詔依請遂不得志愁憤而卒

上至咸陽縣李公以金商同華神策等軍馬自丹鳳橋至於便門六十餘里御路兩旁前後魚貫錦繡交錯朱紫相輝鐵馬排空霜戈曜日工部尚書渾公嗣郇王寓京師都防城使侯仲莊靈監節度杜希全渭

北節度李建徽駙馬都尉郭曖邠寧節度韓遊瓌羽
林軍使令狐建金吾將軍論惟明等五十餘人並是
柳營上將麟閣功臣為前驅焉

上發自咸陽縣都人士女僧道耆老兆庶迎駕於路
寶幢幡蓋金爐輦輿排空塞野駕至三橋中書令李
公與同華節度駱元光金商節度尚可孤潼關節度
御史大夫唐朝臣神策制將高秉哲等奉迎於乘輿
李公見上自撲於地號哭良久氣絕上亦悲不自勝
詔令左右灑水救之方得蘇息文武大臣莫不掩面
雪涕李公含悲而奏曰臣在朔方與河北叛將鋒刃
交馳將必清宇宙之沴氣洗乾坤之瑕垢然後返旆

歸朝致君堯舜不期事在蕭牆禍生不意涇原作難
朱泚亂常大駕播遷宗廟無主此則國無謀臣致有
斯禍言訖哽咽舉身自撲流血灑地億兆之衆莫不
潛然

孟秋月十有八日皇帝再復神京百姓衣冠或號或
泣或喜或躍手之舞之足之蹈之如暗夜之遇明燈
狀嬰兒之逢慈母是知龍蟠虎踞之地非蚯蚓之所
居麀穴鳳巢之場豈鶴鷗之所止慶雲騰而萬方喜
麗日升而六合明散寶玉以賚功臣改秦科而用漢
法吳山楚岫雲霧廓清碧海滄溟波瀾肅靜文無不
盡武無不甄堯風流而四海和舜雨行而萬方泰於

是議封賞禮山川蒲輪結轍於幽巖茅土分封於將
相皇帝巡狩知稼穡之艱難大駕親征悉軍旅之勞
苦玉移荆岫陰德潛通桂馥幽林芳香更遠
於是御正殿率百僚降鴻恩於大赦率土大同羣生
遂性然後聖上坐紫極而問政考青史以求賢干官
指日以獻誠萬方重譯而來貢舊染汚俗咸與維新
雷霆息怒明煦姬而為心日月所臨知聖德之光大
修神農之播植垂堯舜之衣裳凡在生人孰不慶幸
方復責躬克讓庶績咸熙協和萬邦平章百姓察璇
璣而齊七政調律呂以暢八風疏山奠川任土作貢
休徵允集惟德動天書曰惟天為大惟堯則之

時太極殿前紫荊樹直下數仞偃蓋盤旋枝葉蔓延
傍蔭百駟羣兕竊據磨牙噴毒物由人感其樹勁死
皇帝歸復榮茂如初則知聖澤滂流恩霑草木時金
吾將軍論惟明上詩曰豺狼暴宮闕叛徒凌丹墀花
木久不芳羣兕亦自疑既為皇帝枯亦為皇帝滋草
木尚多感報恩湏及時皇帝披翫久之龍顏大悅令
中官馬欽淑宣旨勞慰賜絹一百疋雜綵二百段金
盤一信宿帝謂惟明曰朕心即終南之不移卿志如
寒松之不變不惟吾答卿勤王別有茅土報卿志義
尋除渭北觀察惟明受旨而色不暢帝知之謂惟明
田卿家有諱所以授卿此任也惟明受詔赴任續有

詔旨謂惟明曰卿父成節但諱成不須諱節尋加渭
北節度兼觀察處置等使中使繼踵其寵過如此
時洛陽定鼎肅穆而禁苑生風西漢秦宮垂拱而神
光滿室九州八表鼓腹而歌中興萬姓千官接袂而
沾聖化方且大引時望廣樹腹心蘭菊無遺幽滯必
舉遠安邇肅俗阜民康分建諸侯維城作鎮渾公殄
懷光而鎮河中李公撫涇原而鎮鳳翔然後知邦國
有難忠義挺生則天欲崇武氏狄公為死諫之臣韋
庶人構禍宮闈劉幽求定策臬黻安史繼逆汾陽王
功濟乾坤建中之孽功臣掃定妖沴嘗而清帝室美
矣哉松筠之節經寒霜而轉秀英雄之士對白刃而

彌堅凌風守義破膽墮腹不愆平生志伸主辱故能
使兇徒瓦解解不忘戰將之功醜類殄殲足表濮皇三字
之德美矣善矣實社稷之臣也



奉天錄成民校記

此書天錄曰美為張石州先生以承大典唐字新精錄者

甲在社政官赴部以於壽陽祁氏按此書新唐字採摭古說

最多奇舒曜傳性混傳陳少遊付朱此傳皆用古說亦有新

書久而舊者詳者辨混采不語字城惟抵疑之處亦或時見

除少遊傳包法以錢以乃多續將給玄師此作以財帛一

以十卷之末此信此至活物范陽年三千北走驛馬園舊

書云存法如終乃好駭此云奔西戎王寧州官屯指者異同

五雲樓製



NATIONAL CENTRAL LIBRARY, TAIWAN, R.O.C.

考虞德神異錄云朱此奔河州收結吾終好一二万人及古
清州陸馬被獲呈泄初執清州諸事皆同此獨言西戎似異
之身太平興國中輯唐記五万卷引據唐人說却極廣而
不及身天錄字字初輯在時仍未檢照抑傳本未出王歐
仿史時始欠歟乙巳王長少所郵園東郭切作力善率無欲付
判爰累加校理以謬謄呈書在秀水潛庵居士著鏡跋

跋

此奉天錄四卷為金甸丞太守所贈余有龍萬育數文閣
校刻本又有秦恩復在研齋刻本其書原委已詳秦刻本
序跋中此不復贅此為張石洲家抄本舊為祁文端所藏
書面題字為石洲手書中夾文端手跋一紙名賢手蹟一
字千金後有得此書者幸珍襲之乙巳冬至葉德輝



國家圖書館, NATIONAL CENTRAL LIBRARY, TAIWAN, R.O.C.

